

# ЛЕНИНЭНЬ КИЯВА

ВКП(б)-нь Клявлинань Райкомонтъ ды Райсполкомонтъ газетаст

## Религиозной праздниктнэнь происхождениядо

Религиозной праздниктнэнь теувсть эщо первобытной ломатнэнь пингстэ, зярдэ эщо арасель классовой обществасы. Первобытной ломантнэнь ламо эщо а чаркодевил: природной явлениятне, кода пурьгинесь, эндолось ды сюронь ашачомась. Эрэва кодат орматне неявильть кодамо-бути особеннойкс, сверхестественной виекс. Дикаресь природанть каршо вийтеме бороцязь кармиль кемеме пазнэнь, чертнэнь ды эрэва кодамо чудесаень. (Ленин. "Социализм ды религия" VIII том, 419 страница).

Ломатне эсисст воображениясост тейсть фантастической (не существующей) пазонь ды духовь мир, приписали сонензэ могущественной влияния общественной ды личной эрямотнесэ. Те вегинзе сенень, што ломатне кармасть эрэва мезьде пелеме, сынест кармасть эрэва кодамо ладсо чудявомо пелевикс виень действиятне ды злой духтнэнь действиятне.

Ломаньтнэнь ды природанть эрямот лангс духовь влияниятнеде пелезь, первобытной ломатне арсесть, што обрядонь особой действиятнесэ можна воздествовать неть сверхестественной вийтнэнь лангс ды сынст трокс природанть лангскак. Эрясть сестэ родсо, родонтъ прывтсо ульнесь родонь сыре члентнэстэ вейкесь, конань эрсылэ эрямовь покш опытэзэ. Родонь прывтонть куломандонзо мейле ломатне арсилить, што те атянть оймезэ куломадо мейлеяк карми эрямо ды бути сонзэ поминасак парова, то сон карми помогамо родонтнэнь.

Первобытной ломантнэнь весе эрямозо ютавтовь эрэва кодамо заклинаниясо (заговорсо). Охотничямо ли молемс, ломань сэредеме кармасть эли шачсь эйкакш весе неть ютавтовь коловства марто эли вешильть духтнэнь кедьстэ эли грозильть сынест. Первобытной ломантне тейнильть духтнэнь каванямот, анокстыльть эрэва кодат ярсамкат ды обрядтнэнь теемадост, колдовамонь различной действиятнеде мейле анокстань пицанть сэвильзэ ды часть эйстэнэзэ кадильть определенной таркас духтнэнь ды предкатнэнь каванямонть туртов. Истят праздниктнэнь праздновильть покш торжества марто ды сын тейневильть шань определенной пери-

одсто, тундонь видимадо икеле, сюронь пурнамодо мейле ды лият.

Классовой обществанть теувемазо пингстэ, попнэ ды феодалтнэ (помещиктнэ) эрэва кодамо ладсо стараясть неть праздниктнэнь кемекстамост. Эрэва помещикесь стараясь, штобу теэмс эсинзэ особой праздник ды теньсэ самой използвамс крестьянтнэнь религиозностест ды седе пек сынст закабалить.

Престольной праздниктнэнь эрэва коли ютавтневильть усиленной пьянка ды турима марто. Ирцэтэ ломатнэнь несознательностест трокс велетнесэ тейневильть пожарт ды те тейль огромной ущерб крестьянстванть.

Колхозниктнэнь отсталой частесь те шкас эщо яла справляет религиозной праздниктнэнь. Воскресенкань вельсоветнэнь "Красная Горка" колхозонь колхозниктнэ сентябрь ковсто 5 чить справляли престольной праздник, вейкеяк ломань эзэ лисне роботамо, сестэ кода колхозонтъ арасель вейкеяк гектар лов алов сокавтозо ды чиньчарамост те шкас апак пурна, аштить пильге лангсо.

Минек масторсо социализмань победатне, кода промышленностьсэнь ды истяжо велень хозяйстванть, конатне достигнутойте васенце ды омбоце пятилеткатнэстэ великой Сталинэнь руководстванзо коряс, окончательно ды юрнэкс сезизь религиянтэ.

Колхозтнэ насыщеннойтэ сложнейшей техникасо, олякстомтызь крестьяннэнтэ вачо чинь ужастнэстэ ды лия стихийной бедствиятнэстэ. Минек колхозникесь кеми вандинь чинтень, сон спокоен будущеентень, секскак сонензэ арась кодамояк надобность праздновамс праздниктнэнь, конатнэнь теизь, попнэ, помещиктне ютазь проклятой шкастонть.

Седе ламо престольной праздниктнеде праздновакшнильть сексен ды телень шкатнэстэ. Сынст праздновамось канды покш ущерб минек социалистической хозяйстванть, неть праздниктне теувсть ютазь умокшкасто ды сын эсисст смысласт коряс савить враждебнойкс трудиятнэнь интереснэнь.

Минь нурькинетэ лоткатанок предстоящей религиозной праздниктнэнь происхожденияст лангс ды

теньсэ самой арсиянок лездамс колхозниктнэненень, штобу сын чаркодевилезь празднувамотнэнь бессмысленностест.

Салимань чинть верующейтне праздновакшносызь ноябрьнэ 8-це чгстэ, те праздниктнэнь установил московской князесь Дмитрий Донской XIV векстэнтэ войскактнэнь эрэва иестэ поминамост кис, конатне чавовсть Куликовской пѣксысонть воювамстонть. Инязорось Иван Грозной кемекстнэзе те постановленианть ды яволявтызе те праздниктнэнь весе кулозтнэнь поминамонь чикс. Те чись вейсэндявсь славяннэнь ташто, обычаест, марто кулозтнэнь сексен поминамо чинть марто. Те чинть яксильть калмо лангов ды те чинть попнэ получильть покшт дохот.

Михайловонь чись — христианской религиясонть ды "святоень" культнэсэ занимают видной тарка "ангелтнэ". Церковниктне то навтыть, што ангелтнэ менелэнтэ лангсо явшевить эрэва кодамо чин марто ды будто бу весе те менель лангонь "воинстванть" прывтсо ашти архистратиг — главнокомандующей Михаил.

Те архистратигентэ Михаилэнь культось революциядо икелень Россиясо налксесь реакционной роль Черносотенной с в о р а н ь православной промозглицнэ 1905 иестэ провозгласили Михаилэнтэ менель лангонь эсисст покровителекс, организовасть Михаил архангелэнь лемсэ союз, конатне путызэ эсисст икелей васенце задачек рабочейтнэнь ды крестьянтнэнь революционной движенианть каршо бороцямонть.


Минь неинек, што религиозной праздниктне реакционнойтэ ды вреднойтэ трудиятнэнь туртов. Сынст праздновамось позорит трудиятнэнь. Сынест не должен улемс тарка трудиятнэнь бытсэнтэ. Сознательной трудиятне признают ды справляють ансяк революционной социалистической праздниктнэнь.

Маласькали Октябрьской социалистической революциянь 21-це годовщиань праздникесь, рабочейтнэнь ды крестьянтнэнь эксплуататорской своранть лангсо победань чись. Эряви прирамс активной участия Октябрьской революциянь 21-це годовщиань празднованиясонть. Те праздникесь максы трудиятнэненень одэнергия икеле пелев коммунизманть строямонзо кис бороцямонть.

### Предоктябрьской соревнованиясь

Куйбышевской станкостроительной заводонь фрезеровщикесь — стахановецесь Ф. Г. Назаркин ялгась Октябрьской революциянь 21 годовщиантень, казнекс сайсь обязательства 1000 процентс топавтомс чинь роботамонь норманзо.

Назаркин ялгась саень обязательстванзо эрэва чистэ топавты 1000 процента ламос.



Снимкасонть: Ф. Г. Назаркин ялгась роботы. Союзфото, Куйбышев ош.

### Ленинско-Сталинской комсомолонь воспитанниктне

Куйбышевской областень комсомольской организациясь те иестэ тейсь покш работа эсинзэ рядтнэс сех вадря одт ломантнэнь вовлеченианть коряс. Организациясь кайсь на половину. Вейксэ ковоень перть ВЛКСМ-нь рядтнэс примазь 36494 ломанть. Примазетнэнь числасонть 1596 комбайнерт ды трактористт, 2699 ломанть прядозь средней образования марто ды 42 ломанть высшей образования марто. 1938 иестэ олс организовазь 724 первичной комсомольской организацият. Елховской районсо первичной организациятнэнь количестваст ламолгадсть 25 саезь 64.

Сех вадря комсомолетнэ активистнэ, конатне работаст избирательной кампаниятнэнь шкасто ды тевсэ невтизь эсисст грантне преданностест Ленин-Сталинэнь партиань теувентень, советь партияс. Комсомолетнэнь ютксо, конатне те иестэ примазь партияс, СССР-нь Верховной Советэнь депутатось, Мелекесэнь неполной средней школань директорось Е. В. Катаева, РСФСР-нь Верховной Советэнь депутатнэ Тимерьянскоий МТС-нь трактористкась орденоносецесь К. Г. Пракора ды Батракской МТС-нь директорось орденоносецесь А. И. Бухарцев, "Рабочий" совхозонь директоронь заместителесь орденоносецесь Андреев ды лият. Ансяк августсто ды сентябрьсто первичной партиной организациятне примазь ВКП(б)-нь членккс кандидатокс 1083 комсомолет.

Сядот комсомолетт аравтозь руководящей пар-

тийной, советской ды хозяйственной роботас. 271 комсомолетт роботыть руководящей роботасо ошонь советнэсэ ды райсполкомтнэсэ, 375 комсомолетт роботыть вельсоветнэнь председателекс ды секретарекс, 1469 комсомолетт роботыть велень районной ды городской советнэнь членекс, 45 комсомолетт роботыть директорокс, старшей агрономокс ды МТС-нь старшей механикекс.

Куйбышевской станкостроительной заводсонть 16 комсомолетт роботыть мастерэкс, 16 комсомолетт инженерэкс ды техникекс. Комсомолетцэсь Фидиллов заводс сась токарень ученикекс. ВТУЗ-нтэ прядозь, сон ней роботы заводсонть главной инженерэкс.

Областень трудиятне гордятся РСФСР-нь Верховной Советс эсисст избраникитнэсэ депутатвэс комсомолетцнэсэ орденоносецнэсэ — пограничниксэнтэ С. И. Верясовсо, Кузбассонь знатной забойщиксэнтэ, Ульяновской бронетанковой училищань курсантсонть орденоносецсэнтэ Н. В. Гайдуковсо.

Областень ламот партиной ды советской руководящей работниктнэнь воспитал Ленинско-Сталинской комсомолось. Сынст ютксо РСФСР-нь Верховной Советэнь депутатнэ ВКП(б)-нь Чапаевской горкомонь секретаресь А. Я. Малышев ялгась, Куйбышевской областька УНКВД-нь начальникесь орденоносецесь И. Я. Бочаров ды Куйбышевской горсоветэнь председателень обязанностнэнь топавтыцясь М. Ф. Бабин ды ламот лият. (ОблТАСС).





**СНИМКАСОНТЬ:** Безенчукской районь, Коминтерн лемсэ колхозонь клубонь музыкальной кружоконь члентвэ (керш ендю витев) К. В. Кадин, В. М. Ефимов, С. П. Зятин ды кружоконь руководителесь А. С. Сахтеров анокстыть самодеятельность вечерсэ выступлениенте, кона посвященной ВЛКСМ-нь 20 иетненень.

ССР-нь Союзонь Народной Комиссартнэнь Советсэнть

## Колхознэсэ велень хозяйствань производствань марто атак сьулмаво промышленной предприятиянень незаконнойсэ организовамодонть

Зяря районнэсэ колхознэсэ организоваз промышленной предприятия, конат атак сьулмаво велень хозяйствань марто. Истя, Ростовской областень, Бело-Калитвенской районь кой-кона колхознэсэ („Новая жизнь“, „Гремучий Ключ“, „Северный Кавказ“ ды лият) занялись уголиянь промышленной добованосю. Те районь колхозной шахтатнесэ роботыть 273 сиведезь рабочейть. Московской областень, Подольской районь башка колхознэсэ („Ям“, „Лукинский“ ды лия колхознэсэ) ды Ленинградской областень, Парголовской районь („Вперед“, „2-е Парголово“) организоваз эрва кодат предприятия, конат атак сьулмаво велень хозяйствань марто, кода краскотерочной производствэ, электро-монтажной мастерской ды лият.

Велень хозяйствань марто атак сьулмаво промышленной предприятиянень колхознэсэ организовамонь истя жо факт улит истя жо лия областень зяря районнэсэяк.

Кой-кона случайнэсэ убыткатве, конатнень кандыть колхознэсэ сынст ендю организоваз промышленной предприятиянень эйсэ, превышает велень хозяйствань эйсэ колхозонть иень доходонзо. Колхозонь правлениенте неть убыткатнень вельтнить доходнэнь счетс, конат причитаются колхозниктнень трудочитнень кис, конатнень сын выработали велень хозяйствань роботатнесэ.

СССР-нь Народной Комиссартнэнь Советсэнть аравтызе, што колхознэсэ промышленной предприятиянень организовамонь улик фактнэнь ды чумотнень таргам ответственность. (ТАСС)

творечит велень хозяйствань артелен Уставонть, колхознэсэ уголиянь промышленной добованонь организовамонь, теде башка ашти ССР-нь Союзонь Конституциянь (Основной Закононть) прямой нарушениак, конань коряс модань недратне аштитть государственной собственностисэ.

Неть аволь законной действиятнень результатсо, конат теэз местной советской организациятнень ендю попустительстванть пингстэ, теэвкшны прямой ущерб колхозниктнень, вишкалгавтневить сынст доходост, конат явшевшкнеть трудочитнень коряс.

Те противогосударственной ды противоклхозной практиканть лоткавтоманзо эрвиксэсэ ловозь, ССР-нь Союзонь Народной Комиссартнэнь Советсэнть постановил:

1. Ликвидирамс колхознэсэ промышленной предприятиянень, конат атак сьулмаво велень хозяйствань производствань марто, кода велень хозяйствань артелен Уставонть коламо марто организовазтнень.

2. Аравтомс, што колхознэсэ промышленной предприятияст, конат ликвидировавить те постановления коряс, районной исполнительной комитетнэ макссыз местной государственной ды кооперативной организациятнень.

3. Меремс СССР-нь прокуроронть расследовать колхознэсэ велень хозяйствань производствань марто атак сьулмаво промышленной предприятиянень аволь законнойсэ организовамонь улик фактнэнь ды чумотнень таргам ответственность. (ТАСС)

## Вадрялгавтомс комсомолонь организациянть роботанзо

Октябрьня 23 це чистэ Ташто Байтермишенъ вельсоветэнь Дзержинской лемсэ колхозонь комсомолонь первичной организациясонть ютавтось отчетно-выборной промкс. Промксось кунсолызе комсомолонь комитетэнь секретаренть Петровонь отчетной докладонзо. Докладонть темадонзо мейле ламо комсомолецт выступали прениясо ды критикувизь комитетэнь ды сонзэ секретаренть Петров ялганть роботанзо.

Петров ялгась роботась ловнома кудонь заведующеекс ды колхозонь клубонть заведующеекс, но почти кодамоак работа кода ловнома кудосонть, истя жо клубсонть эзь ветя. Аволь регулярнойсэ нолдтневть стенань газетатне. Арасель кодамоак культурно-массовой ды по-

лит воспитательной работа од ломантнень ютксо.

1937—38 иетнень перть комсомолецтнэнь марто ютавтось ансяк 2 политзанятия. Истя жо а ютавтови кодамоак работа пионернэнь ютксо, пионернэнь арась мик вожатоесткак. Добровольной организациянь кружоктнэнь эйсэ роботась кадозь самотекс ды кодамоак работа сын эсть ютавтне.

Весе неть асатыкстнэнь трокс Петровонь одс комитетнень членкс эзизь кочка.

Тайной голосованиянть пингстэ кочказь од комитет ды комитетэнь секретарекс кочказь Трофимов Ф. П. ялгась.

Промксось вынес резолюция, конаньсэ наметил ряд практической предложеният комсомолонь роботанть вадрялгавтоманзо туртов. А. П.

## Польской фашистнэ хозяйничать Чехословакиянь захваченной районнэсэ

Варшава, октябрьня 24 чи. Тешинской (Чехословацкой) Силезиянь польской оккупационной властне нолдасть зяря од распоряжения, конат свидетельствовит захваченной районнэсэ пек бойка фашизациядонть. Истя, примеркс, публиковазь распоряжения, кона предостерегае население, што аволь ансяк коммунистической партиятнень принадлежностесь, но натой „коммунистнэнь марто контактошь“ карма преследоваться кода преступления, кона равной государственной изменанть. Польской фашистской режимсэнть недовольной ломантнень антипольской выступленианеде пелез, оккупационной властне населениянть пельде потребовали нейке жо максомс польской по-

лициянь представительтнень эрва кодамо родонь личной оружиянть. Польской телеграфной агентстванть сведениянзо коряс, захваченной районнэсэ весе железнодорожной, почтово-телеграфной, финансово-промышленной, торговой ды лия учреждениянэсэ руководят ды обслуживають Польшасто специальна командированной фашистской чиновникнэ штатось или польской фашистской элементнэ, конат завербованной таркасо. Пек ламолгавтозь полицейской вийтне.

Захваченной районнэсэ пек виевстэ маряви продуктатнень асатомась. Велетчестэ подвозос малав лоткась. Тень кувалма пек виевгадсь спекуляциясь ды моли питнетнень азаргадозь кастома.

## Чехословакиясо фашистской организациятнень активизациясь

Прага, октябрьня 25-це чи. Фашистской партиятне яла седеяк пек теэвить наглойкс. Меельсе читнэстэ сын организоваз фашистской зяря демонстрацият ды снартнэсть те емс еврейской погромт. Пардубице ошонть Гайды генералонть фашистской организациясь нолдась не-

легальной листовка, кона открыта терди погромтнэнь. Прагасо исяк чокшне центральной площадьтнень эйсэ вейкесэнь пурнавсь 150—200 ломаньстэ фашистнэнь толпа сень кис, штобу ушодомс еврейской погром. Полициясь пансиэзе погромщиктнень ды арестовась 17 ломать.

## Судетской областэсэ антифашистской выступленият

Берлин, октябрьня 25-це чи. Судетской районнэнь населенианть ды германской полициянть ды штурмовиктнэнь ютксо вооруженной столкновениянть а лотксит. Октябрьня 22-це чинть каршо вестэнь ульнэсть зяря массовой од выступленият. Лобозиц

ошонть маласо (Теплицшанов южной районсо) ульнэсь столкновения 20 ломаньстэ вооруженной группанть ды полициянть ютксо. Столкновениянть ульнэсть истя жо населенианть ды полицейской-тнень ютксо Лугавиц велесэ. (ТАСС)

## Берлинсэ английской газетатнень конфискациясь

Лондон, октябрьня 25-це чи. Исяк Берлинсэ, кода пачти куля Рейтер агентствась, ульнэсть конфисковазь октябрьня 22-це чинь лондонской весе газетатне.

Арсить, што те мерась толковави США-со германской шпионской центранны процесстэ лондонской газетатнесэ покш отчетнэнь появасонть. (ТАСС)

## Знярдо жо теить клуб колхозонтень?

Чиде чис касы колхозниктнень культурной уро-венест ды касыть требова-вияст, штобу культурной-стэ ютавтомс эсист ютксо шкаст. Но а косо ютавтомс те культурно-массовой роботанть Од Соснанъ вельсоветэнь „III Интернационал“ колхозсонть. Те колхозсонть арась а клуб, а ловнома кудо.

1937 иень самообложениясонть ульнэсть явтазь средстват клубонь строямс, но неть средстватне ка-довсть атак использова.

Колхозонь руководител-тне эсь ендост а путьть кодамоак мель колхозник-тнень культурной эрямост кис.

Б—в.

Кой-конат колхознэсэ ловнома кудотне или совсем а роботыть, или роботыть берянстэ.

(Газетасто).



Косо ловнома кудонть панжумась? Мезекс сон эряви, ведь яла теке ловнома кудось а роботы.

## Берянстэ вети эсь прынзо од ломантнень ютксо

Емельдяжев Степан Кириллович роботы Ташто Маклаушонъ вельсоветэнь Краснолельской школа-сонть учителекс, но эряви меремс, што Емельдяжев малавгак не оправдывае учителень почетной звани-янт. Сень таркас, штобу примамс участия общест-венной роботасо клубсо од ломантнень марто, сон сонсь хулиганничы ды теи-ни берянъ теить.

Сон эрва чистэ поздаяк-шны школав занятияс. То-навтниця эйкаштнэ эрва чистэ обедс учнить учите-лент Емельдяжевоны эйсэ.

Емельдяжев ялгантень эряви истя тевтнень ка-домс ды кармамс ветямо эсь прынтэ прок советской че-стной учителень.

Комсомолец.

Ответ. редакторосъ В. ДЕБАЕВ.

Тип. издательства гав. „Знамя большевиэма“. Ст. Клявлино, Куйбышевской области. Тираж 700 экз. Угол. Облита № 190.